



Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. VII. An contractur sit validus initus ex gravi injusto metu à contrahente,
aut tertio incusso ex alio fine, quam contractum extorquendi?

urn:nbn:de:hbz:466:1-39981

Wiestner num. 45. de iis, quae vi, metusve causâ fiunt, inconsequentia arguit, quod concedat votum ingrediendi Religionem esse irritum metu extortum, sponsalia autem à meticuloso celebrata velit valere) & Wiest. de *Sponsal.* à. nn.

257. Dixi *Sponsalia metu injusto facta* esse probabilius nulla, quia si valerent, vi illorum obligatio esset durante metu gravi contrahere matrimonium, quod est impossibile, quia matrimonium prout substantia sponsalibus injusto metu extortum est nullum ratione metus gravis, qui mediantibus sponsalibus influit in matrimonium. Sic probata parte secunda conclusionis parte.

334. Probatur ejusdem pars prima, cum Lig. D. 22. 4. num. 115. Sanch. D. 8. num. 4 contra Haunold. tract. 8. num. 106. Mol. num. 328. citatum, quod unica ratio eos irritandi foret defensus sufficientis libertatis jure naturæ requisitæ ad valorem, aut injurya illata per metum, sed neutra ratio tollit sufficientiam libertatis jure naturæ necessariæ ad

valorem, cum hoc jure non requiratur major ad matrimonium &c. libertas, quam ad peccandum mortaliter, non etiam obstat gravis injurya, quia non efficit, quo minus matrimonium sit simpliciter liberum.

Unde quod jus positivum statuerit nullitatem in matrimonio, ac Professione, est factum ideo, quia metus gravis injustus vehementer imminuat libertatem, sine qua nisi sit plena, ac libera à metu gravi, noluit valere dictos actus ob infelices sapè eventus, quibus post semel factos tales actus, utpotè irrefundibiles, ac naturâ suâ perpetuos obviari non potest: ideo major ad eos poscitur à jure libertas, nempe plena, consistens in æquilibrio in utramque partem: hoc æquilibrium metus injustus multum imminuit, dum horrore majoris mali imminentis impellit ad matrimonium aut

Professionem velut ad medium declinandi majus malum.

* *

§. VII.

An contractus sit validus initus ex gravi injusto metu à contrahente, aut Tertio incussus ex alio fine, quam contractum extorquendi?

335. Absolutâ Disputatione de valore contractus celebrati ex metu injusto, cuius incussio habuit pro fine ipsam contractus extorsionem, restat non levis mo-

menti controversia, de valore contractus, quem merum patiens offert, ut medium ad evadendum malum comminatum, quemque metum incutiens non intendit

ex-

ii 3

extorquere, sed prorsus alium finem inten-
dit e.g. vindictam. Exemplum sit in depre-
henso cum filia fornicante, pater vult
se vindicare occidendo illum, ut mor-
tem effugiat, sponte offert se ad eam du-
cendam.

Quæstio celebris est an matrimo-
nium hoc sit validum. In hoc casu met-
us incutitur à tertio, id est, à contra-
distinto à contrahente, estque metus
injustus, cum nullus privatus possit justè
minari mortem. Potest etiam metus in-
justus incuti ab ipso contrahente non in-
tendente contractum, hunc tamen pa-
tiens metum offert cum eo ineundum, de
hoc contractu non minus dubitatur, an
teneat.

Controversia est de contractibus
tam dissolubilibus, quam indissolubilibus.
Constat de utrisque, quod jure naturali
non sint irriti ex metu injusto à quo-
unque etiam ex fine contrahendi incusso
per num. 328. & 333. igitur multò
minus, si metus incussum sit ex alio
fine.

Si contractus rescindibiles ex dicto
metu initi jure positivo possunt annullari,
et si ipso pro jure non fuerint annullati, in-
dissolubiles, ut matrimonium & Profes-
sio, erunt ipso jure nulli, & irriti, Lugo,
D. 22. num. 177. de Jus.

Esse autem regulariter rescissioni
obnoxios primos, consequenter poste-
riores ipso facto irritos tenet Lugo à
num. 175. Wiestner, *de iis, quæ vi,*
metusue causa sunt; cum pluribus aliis
à *num. 34. ad 37.*

Probat Wiestner primo ex *cap. 1.*
de iis, quæ vi, metusue causa &c.

ubi Alexander III. declarat nullitatem
Professionis emissæ ab uxore metu mor-
tis jussu mariti à militibus incusso ex fine
ulciscendi adulterium, non autem ex fi-
ne extorquendi ingressum, ergo alii con-
tractus ex edicto Prætoris sunt rescissioni
obnoxii *Lib. 1. ff. quod metus causa
gesit.*

Secundò ex *L. nec timorem 7.*
ff. quod metus causa gesit, cuius, §. 1.
ad edictum Prætoris, *quod metus causa
gesitum est, ratum se non habiturum,*
unde *cit. L. 1.* Prætor pollicetur re-
scissionem, si in flagitio depræhensus ex
metu, non jure, id est, injustè incusso
aliquid dederit aut se ad quid dandum
obligarit, esto non fuerit incussum ex fine
cum sibi obligandi.

Tertiò. Ratione, quod eti met-
um incutiens non intendat contractum,
gravem tamen injuriam infert alteri, vi
cujus tenetur resarcire totum damnum
indefecutum; sed metum patienti est
contractus damnosus; ergo non obstan-
te in hujus consensum, tenetur damnum
ei totum resarcire, proinde eundem re-
ducere in statum, in quo cessat damnum;
hoc autem fit per rescissionem con-
tractus.

336. Respondebis hoc damnum,
quod ex contractu sequitur, non inten-
dit injuriam inferens. Contra est quod
ad hanc obligationem inquit Lugo *num.*
176. non sit necessaria intentio damni,
sed sufficit dedisse causam injustam, ex qua
per se loquendo damnum illud consequi
poterat e.g. calumniosè accusatus Petrus,
pro sui defensione vendidit domum, ut
preium expenderet in litem, accusator
tene-

tenetur totum hoc damnum refarcire, et si accusando non intenderit pro fine venditionem domū, sed punitionem: ergo etiam idem dicendum in nostro casu.

Unde deducit matrimonium & Professionem fore nullam ex tali metu, quia et si metus non incutiatur ex intentione matrimonii, aut Professionis, nihilominus sit consensus verè, & simpliciter ex metu injusto, ac ex hoc propriè operatur, ut enim ex hoc propriè censetur operari, non est necessaria dicta intentio ex parte incutientis, ut patet in ejecione mercium, quæ propriissimè sit ex metu, et si tempestas non sit posita ex intentione ejiciendi merces.

Dices cum Sanch. *Lib. 4. D. 12. num. 3.* metum patiens in nostra controversia non impellitur ab alio ad matrimonium, aut ad Professionem, sed à se ipso, quia nullus exigit tunc matrimonium &c. sed spontè metum patiens eligit. Respondet Lugo *num. 178.* non impelli immediate ab inferente metum, impelli tamen mediatè ad matrimonium, &c. sicut merces ejiciens non impellitur ad ejectionem immediatè à tempestate sed à metu mortis, mediatè autem à tempestate causante immediatè metum.

Dices 2. Cum codem *num. II.* si damnato tibi injustè ad mortem, tertius offerat immunitatem, si duxeris filiam, tuum cum ea matrimonium valeret, ergo etiam valeret oblatum à Judice Reo injustè condemnato, quando enim metus vitiat, idem est à quocunque metus inferatur. Respondet Lugo Distinguendo antecedens valeret matrimonium si offertur immediatè imunitas pro ma-

trimonio nego antecedens; si offertur mediatè, ut si tertius suam operam damnato offerat ad impetrandam immunitatem, concedo antecedens; & nego consequiam: Disparitas magna est inter oblationem primo, & secundo modo factam à tertio; nam immunitas à morte est ex Justitia debita damnato injustè, ut mortem redimat immediatè à metu injusto, cogitur eligere matrimonium pro immunitate à morte sibi debita, & ideo moveretur immediatè à metu injusto, seu, à metu carendi immunitate sibi debita; in secundo autem obligationis modo moveretur immediatè à metu justo, nempe à metu carendi operā illius Tertii, ipsi non debita, & ideo est contractus intrinsecè justus, non minus, quam emptio Dominus est justa, et si fiat ex previo metu injusto ab alio incusso, ut constat ex exemplo allato in principio *num. 336.* ergo etiam in hoc secundo modo obligationis operæ non debitæ, uti supponitur ex Justitia, matrimonium oblatum ac initum est validum, esto mediate in id influat metus injustus, seu ad id moveat. Idem responder Wiestner. *num. 35. in fin.*

337. Secunda sententia ad controversiam *num. 335.* Stat pro valore irrevocabili, ita Sanch. *num. 11.* Perez de *Matr. D. 17. S. 9. num. 3.* Haunold. *tratt. 8. num. 117.* excipiens probabiliter ab hac sententia contractus lucrativos cum Pallavic, quia inquit, sic melius consultur indemnitat, ex una parte, & ex parte altera alter contrahens; cum non patiatur ullum damnum, sed privatetur duntraxat lucro, non potest conqueri justè, cum ipse nollet tunc obligari,

pro*

proinde valeat Regula luminis naturalis
ac Evangelica. *Quod tibi non vis fieri,
alteri ne feceris.*

Probatur si matrimonium contractum ex metu à tertio incusso non ad extorquendum matrimonium (dic idem, si à contrahente, aut à Judge cit. Sanch. num. 11. Perez num. 6.) est jure naturae validum; etiam est validum jure positivo, si istud nullibi invalidet matrimonium, sed jure naturae est validum & quidem à fortiori per num. 333. & jus positivum nullibi invalidat matrimonium initum ex metu incusso à tertio ex fine alio, quam extorquendi matrimonium, ergo. Minor probatur, C. I. de iis, que vi C. o. quod pro se num. 335. in probatione primâ allegat Wiestner, expressè fatetur, quod milites volentes eam occidere in Sylva, ducti pietate pepercerint, si vitam Monachalem fuerit professâ in Monasterio, proinde metus fuit incussum ad extorquendam Professionem, & ideo declaravit Papa nullitatem.

Nec lex. 7. cit. in probatione secunda aliquid probat, nam Pomponius loquitur ibi *Verb. Proinde de eo, qui aliquid dedit, vel se obligavit, non alteri Tertio, sed ipsum metum incutienti, & quidem injustum, ut fatetur etiam Lugo utens hâc lege, contra Sanch. ipséque Pomponius L. 9. §. Animadverendum, pro Sanchez statuit oppositum, uti observat etiam Zoës ad tit. quod metus causa gest. Verba legis sunt: Si quo magis te vi hostium, vel latronum, vel populi tuerer, ut liberarem, aliquid à te accepero, vel te obliga vero,*

non debere me hoc edicto (rescissorio) teneri, nisi ipse, hanc tibi vim submisi. Ceterum si alienus sum à vi, teneri me non debere: ego enim opera porius mee mercedem accepisse videor.

Probatur 2. Matrimonium, & ceteri contractus in tali casu præter intentionem metum incutientis celebrantur, sed hoc ipso sunt irrevocabiliter validi, nam eos cum metum incutiens non intendat, eorum electio non ipsi, sed patienti metum, ut causa adæquate attribuitur, estque id naturæ consentaneum, ad hanc enim spectat posse effugere malum imminens, consequenter etiam prospicere sibi de medio opportuno, tale autem judicat esse, si contrahat matrimonium, aliûmve ineaç contractum pro diversitate circumstantiarum, ut si Princeps ducat in uxorem aliquam consanguineam alterius Principis injusti sui hostis ad hunc sibi reconciliandum, non ducturus, nisi judicaret matrimonium tale fore aptum medium: In isto casu est recessarium, ut valeat matrimonium, alias non esset medium aptum effugiendi hostilitatem, si enim Princeps hostis metum incutiens sine intentione matrimonii sciaret matrimonium nullum fore, non moveretur abstinere ab hostilitate ob solam attentationem matrimonii; nec alter innocens contrahens unquam vellet cooperari patienti metum, si crederet fore nullum matrimonium.

338. Unde est magnâ Differentia inter matrimonium contractum à duobus, quorum unus id contraxit ex gravi iusto à tertio incusso ex fine id extorquendi, nam

nam in isto casu potius expedit, ut matrimonium sit invalidum, quam validum, nam sciens non valitetur potius metum non incutiet ex hujus intentione ob ejusdem impossibilitatem: E contra si valeret, alliceretur unicè ad id extorquendum. Hinc merito tale matrimonium est facto ipso irritum juxta decisionem *C. veniens 15. de Sponsalib.* ibi: *nisi metu coactus qui posset in virum constantem cadere, eam desponsaverit, adherere facias, ut uxori.*

Cæteri etiam contractus irritabiles initi inter aliquos ex metu à nullo contrahentium, sed à Tertio incusso ex fine illos obtinendi, et si de jure naturæ non possint dissolvi ad arbitrium patientis metu (quia uterque contrahens est innocens, & sicut patiens metum, damnum patitur si cogitur servare contractum, ita alter pateretur damnum, si ad libitum patientis metum obligaretur rescindere, unde cùm non sit potior ratio pro uno quam altero, uterque spectato jure naturali debet contractum servare) patiens tamen metum habet jus agendi contra incutientem pro damni compensatione.

Dixi *spectato jure naturali*, quia jus positivum ad instantiam patientis metum concedit rescissionem prout legistæ deducunt apud Haunold *num. 116. ex L. 14. Q. in hac ratione ff. quod metu causa ibi: In hac actione non queritur, utrum is, qui convenitur, an alias metum fecerit; sufficit enim hoc docere, metum sibi esse illatum, & ex hac re*

R. P. Karch, Diff.

eum, qui convenitur, et si criminis casus, lucrum tamen sensisse. Propositis utriusque sententiæ fundamentis ad controversiam *num. 335.*

339. Resp. Utramque sententiam esse probabilem, præfero secundam, in dissertationibus de Jure, & Justitia num. 256. brevius expediveram.

Conf. Nihil obstat quo minùs tale matrimonium sit firmum; non jus naturale, siquidem *per num. 333.* jus naturale non irritat, et si metus injustus etiam ex fine id extorquendi sit incusus. Non obstat defectus libertatis contrahentium, quia metus iste relinquit plenum usum rationis ex parte utriusque. Non obstat injuria, quam patitur metum patiens, quia nullus contrahentium alteri est injurious sed tertius, qui tenetur reparare damnum, proinde procurare, si potest ut metum non passus consentiat rescissioni, si hanc optet metum passus, quando est contractus ex annullabilibus, cum de Jure non sit annullabilis secundum nostram sententiam.

Ex hac confirmatione colligitur solutio rationis, quam contra hanc sententiam adduxi *num. 335.* ex Wiestner concessâ enim majore, distinguo minor, est damnosus metum patienti transfeat minor, est damnosus alteri contrahenti nego, unde cum uterque sit innocens, nec sit potior ratio, cur possit resilire patiens metum, ut damnum evitet, quam ut manent in contractu, nec alter patiatur damnum, Tertiò incumbit onus, ut procuret ab altero consen-

Kk

sum

sum in rescissionem, cum jus hanc denegat in hoc casu.

Corollaria, quae ex hac secunda sententia, quam amplectimur deducit

Sanch. a. num. 12. & ex illo Perez cit. S. 9. jam retuli, num. 322. in se- quelis 2. 3. & 4.
* *



§. VIII.

De pluribus actibus ex metu injusto factis deciditur, an sint de jure positivo irriti, ut etiam de votis, & jura- mentis metu extortis.

346. **D**e contractibus naturâ suâ dissolubilibus, ut de matrimonio & Professione Religiosa, esse po- sitivo Jure Canonico irritos, probavi n. 333. & seqq. quibus probabilius accen- sentur Sponsalia, *ibidem*.

De actibus, qui rescindi possunt, tam onerosi, quam gratuiti, Statui nu. 331. Regulariter non esse invalidos, regulariter inquam quia plures reperio exceptos, quos Doctores volunt specialiter irritos esse de Jure positivo apud Lugo de Just. D. 22. à num. 123. Pal. p. 1. tract. 2. D. 1. p. 9. à nu. 2.

Postremus asserit convenire DD. quod sequentes actus sint irriti. Primò adhibitio coactorum testium in testamen- to quam *L. qui testamentum* §. fin. ff. de *Testamentis*, quam Legem Augustin. Michel to. I. *Theolog. Canonico Moral.* fol. 24. num. 7. extendit ad testatorem, cum omnino debet esse liber usque ad ultimum halitum, ut loquuntur jura.

Secundò, omnis promissio, vel ob- ligatio facta in gratiam ejus, qui in car-

cerem injustè conjectit, vel in eo detinet *L. qui in carcerem ff. de eo*, quod me- tûs causa: textum relege num. 331. Vers. *Respondebis*: in quo textu verba illa, *nullius momenti est*, id est, nul- lius vigoris, hunc esse sensum hujus par- ticulae constat ex *C. ordinarii. de offe.* ord. in 6. *Aliter, inquit, facta col- latio nullius sit momenti.* Requirunt autem ut ad ejusmodi finem sit incar- ratus. Esse solum irritabilem promissio- nem talem sentit Lugo. num. 119.

Tertiò rerum Ecclesiae metu facta promissio, vel traditio, *C. provenit de Iurejur. & can. I. 11. q. 6.*

Quarto, auctoritas tutoris aut cura- toris metu extorta *L. I. §. fin. de Au- thoritat. tutor.*

Quinto, absolutio à censuris, aut harum revocatio *C. unico de his, que vi-* in 6. ibi, *absolutionis beneficium ab Ex- communicationis sententia, vel quam- cunque revocationem ipsius, aut suspen- sionis, seu etiam interdicti per vim,* *aut*